



**O operador galego está a despregar a tecnoloxía 5G e a modernizar a súa rede de fibra, que chega directamente aos fogares da comunidade**

## **R segue despregando no Porriño unha rede de fibra óptica que permitirá accesos de ata 10 xigassimétricos**

- ***Arredor de 240 inmobles dos núcleos de Guía, A Rocha e Covelo, no municipio pontevedrés do Porriño, quedaron conectados recentemente á nova rede de fibra ultrarrápida do operador galego; todos eles poden gozar xa dos servizos de telecomunicacións máis innovadores e de posibles accesos de ata 10 xigas, wifi 6 e tele con deco Android 4K sen ningún custo adicional.***
- ***A despregadura destas redes está subvencionada polos Fondos FEDER da Unión Europea a través do Programa de Extensión de la Banda Ancha de Nueva Generación (PEBA-Plan Avanza) do Ministerio de Asuntos Económicos e Transformación Dixital.***
- ***Tendo en conta acción previas de desenvolvemento de rede de R neste concello ao longo dos anos, cando remate o Plan do Ministerio serán máis de 7.000 os fogares e negocios do Porriño que quedarán preparados para recibir os servizos de nova xeración do operador galego.***

**Martes, 18 de xaneiro de 2022.-** O municipio pontevedrés do Porriño conta dende o mes pasado con **240 novos fogares e negocios** dos núcleos da Rocha, Guía e Covelo que poden gozar xa dos servizos máis avanzados de telecomunicacións do mercado grazas á nova rede de fibra de R que o operador galego está a modernizar nas catro provincias de Galicia dende 2021.

R rematou recentemente outro treito das tarefas de despregadura da súa rede de fibra óptica no Porriño, aproveitando ao máximo as infraestruturas dos devanditos núcleos, onde quedaron conectados **120** fogares e negocios en Guía, **27** na Rocha e **94** en Covelo respectivamente.

Ao remataren as despregaduras enmarcadas no actual Plan Avanza no que **R** traballa, máis de **7.000 fogares e negocios** teranse unido xa á súa modernísima rede de fibra no concello do Porriño, pois aos preto de **772** inmobles incorporados na contorna do plan do Ministerio haberá que sumarlles os **máis de 6.300** conectados a través doutros traballos de desenvolvemento de rede que **R** vén realizando na zona dende hai anos.

## **10 millóns de investimento e fondos europeos**

Este e outros desenvolvementos de rede na provincia de Pontevedra forman parte dun dos **tres proxectos do Plan PEBA-Avanza** do Ministerio de Asuntos Económicos e Transformación Dixital dos que **R** resultou adxudicatario en 2018 para despregar a tecnoloxía FTTH en 512 núcleos de Galicia que non dispoñían de alta velocidade ata o momento (“zonas brancas”).

No desenvolvemento dos tres plans investirase un total de **10M€**, dos cales preto de **8M€** son subvencionados polos fondos FEDER da Unión Europea. En concreto, as despregaduras do Porriño enmárcanse no proxecto destinado á extensión de redes de nova xeración en **196 núcleos de municipios do sudoeste de Galicia** (Pontevedra). Os traballos nestas zonas suporán un investimento total de **3,75M€**.

A día de hoxe, só no marco do Plan Avanza, **R** chegou por primeira vez coas súas redes de nova xeración a núcleos de poboación das catro provincias galegas que nunca dispuxeran de alta velocidade nos concellos do Rosal, Monterroso, Palas de Rei, Boqueixón, Porto do Son, Curtis, Cuntis, Meaño, Mos, Pobra de Trives, Peñín, Barreiros, Lourenzá, Ortigueira, Cariño, Camariñas, Muros, Cerceda, Antas de Ulla, Moraña, Guitiriz, Tomiño, Abegondo, Ribadumia, Combarro, Muxía, Valga, Vilaboa e Ponte Caldelas.

## **A rede máis rápida do mercado para os/as clientes/as de R**

Os/as clientes/as de **R** dos núcleos do Porriño conectados xa poden gozar dos servizos máis innovadores que lles ofrece a nova rede de fibra do operador galego, coa posibilidade de accesos de ata 10 xigas, wifi 6 e tele con deco Android 4K sen ningún custo adicional. Estas vantaxes vanse traducir, entre outras cousas, nunha cobertura óptima dos servizos de **R** nos fogares e nunha maior capacidade de navegación con varios dispositivos á vez.

A nova rede de **R**, a máis rápida de España segundo o prestixioso estudo da empresa francesa *nPerf*, utiliza a tecnoloxía FTTH, que accede directamente aos fogares e permite velocidades simétricas (iguais de suba e de baixada) en toda a súa extensión. É a última tecnoloxía baseada no estándar XGS-PON, preparada para o futuro, idónea para simultanear tarefas de teletraballo, teleformación, videochamadas, *streaming, gaming...* etc. Un sistema que permite habilitar eses accesos de ata 10 xigas, o que supón 4 veces máis capacidade de descarga que a tecnoloxía actual e ata 8 veces máis capacidade de subida.

## **Cambio de equipos gratuíto e 5G**

A medida que se vai despregando a nova rede, os/as clientes/as de **R** son avisados/as e informados/as dos pasos que deben seguir para cambiar os seus equipos por outros de nova xeración, máis avanzados, de forma totalmente gratuíta. E as novas altas de **R** xa están a contratar maioritariamente sobre a nova rede de fibra óptica.

Cando ao longo de 2022 se completen os traballos de despregadura da tecnoloxía 5G e da nova rede de fibra FTTH, os novos equipos quedarán instalados en todos os inmobles e Galicia converterase nunha das rexións máis avanzadas de Europa en tecnoloxía, preparada para o uso e **desenvolvemento de todos os servizos da chamada quinta xeración**.

Esta tecnoloxía avanzada 5G apóiase na rede de fibra óptica, supón máis velocidade (10 veces máis que o 4G), maior capacidade e a posibilidade de xestionar unha cantidade inxente de datos, establecendo comunicacións ultrarrápidas sen apenas latencia.

Con esta infraestrutura de última xeración que **R** desprega dende a primavera de 2021, Galicia poderá competir en calquera lugar do mundo ao máximo nivel, ofrecéndolles a fogares e negocios galegos os servizos de telecomunicacións máis avanzados do territorio.

### comunicación R

[prensa@mundo-r.net](mailto:prensa@mundo-r.net)

[R.gal](http://R.gal)

